

Memoria xustificativa do convenio de colaboración entre a entidade pública empresarial Augas de Galicia e o Concello de Castrelo do Miño para a financiación de actuacións de redución de arsénico en auga de consumo, mediante tramitación anticipada de gasto

1 Antecedentes

Detectáronse niveis de arsénico elevados na auga que abastece á poboación do Concello de Castrelo do Miño. O 17.12.2021 o Concello de Castrelo de Miño declarou a situación de emerxencia, xa que dado a situación actual do sistema de abastecemento en Castrelo de Miño é necesario levar a cabo unha serie de actuacións que permitan acadar valores aptos para o abastecemento do municipio con carácter inmediato.

O concello ten solicitado á Xunta de Galicia apoio para poder solucionar os problemas citados no prazo de tempo máis breve posible.

2. Obxectivos que se pretenden

Preténdese realizar as seguintes actuacións:

- 1.- Asistencia técnica para as actuacións de emerxencia.
- 2.- Execución de actuacións de emerxencia para abastecer con garantía sanitaria ata a execución dunha solución definitiva, que en síntese consisten no seguinte:
 - ETAP DE COTONOVILLE: mellora na dosificación de reactivos, substitución da area do filtro pechado actual por outra de alta capacidade, substitución do filtro



actual por outro adaptado aos caudais actuais, todo totalmente automatizado. Ademáis se instalarán analizadores de cloro e turbidez en continuo.

- DEPÓSITO DE TRAVESO: execución dun filtro para eliminación de arsénico, con analizadores de cloro e turbidez en continuo.

3.- Elaboración do proxecto da solución definitiva, que se recolle no estudo de alternativas de abastecemento ao Concello de Castrelo de Miño, de setembro de 2021.

Así, é obxecto deste convenio establecer as condicións básicas para a colaboración entre Augas de Galicia e o Concello que permitan ao Concello asumir as obrigas económicas que se derivan da execución de actuacións mencionadas para evitar problemas de arsénico na auga de consumo do dito concello.

3. Necesidade da colaboración, razóns de oportunidade e xustificación da non concorrencia

Augas de Galicia, entidade creada pola Lei 9/2010, do 4 de novembro, de augas de Galicia e regulada polo Decreto 32/2012, do 12 de xaneiro, polo que se aproba o seu estatuto é unha entidade pública empresarial do sector público autonómico de Galicia, adscrita á Consellería de Infraestruturas e Mobilidade, con personalidade xurídica propia e plena capacidade de obrar para o cumprimento dos seus fins, e constitúe o medio, xunto co resto de órganos que integran a Administración hidráulica de Galicia, a través do que a Comunidade Autónoma de Galicia exerce as súas competencias en materia de augas.

Entre estas competencias se atopa, con carácter xeral, e de acordo co establecido na Lei 9/2010, do 4 de novembro, de augas de Galicia, a adopción de medidas que garantan o abastecemento aos municipios. En calquera caso, as competencias da



Comunidade Autónoma de Galicia exercerase sempre de conformidade co principio de garantía e eficacia do servizo público de abastecemento.

A citada Lei 9/2010, do 4 de novembro, atribúe no seu artigo 26 á Administración Hidráulica da Comunidade Autónoma as competencias para a regulación e o outorgamento de auxilios económicos ás corporacións locais nas materias da súa competencia.

O artigo 57 da Lei de bases do réxime local, citada, e o 194 da Lei da Administración local de Galicia, citada, determinan que a cooperación económica, técnica e administrativa entre a Administración Local e as Administracións do Estado e das Comunidades Autónomas, tanto en servizos locais como en asuntos de interese común, desenvolverase con carácter voluntario, baixo as formas e nos termos previstos nas leis, podendo ter lugar, en todo caso, mediante os convenios administrativos que subscriban.

Polo exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de aplicación da Lei 9/2017, de 8 de novembro, de contratos do sector público, de acordo co establecido no artigo 6 da antedita lei. Asemade, en consideración a razóns de interese xeral e dadas as circunstancias concorrentes, xustifícase plenamente a adxudicación directa da axuda prevista no convenio. Todo o que se fai constar para os efectos do previsto nos artigos 19.4 c) e 26.2 a) da Lei 9/2007, do 13 de xuño, reguladora das subvencións de Galicia

4 Estimación de custos e financiamento

O custo total das actuacións contempladas neste convenio ascenden a 400.000,00 € que serán financiados por Augas de Galicia con cargo á conta 6566 "Subvencións



de capital. A corporacións locais” do Plan Xeral de Contabilidade Pública de Galicia, coa seguinte distribución de anualidades:

2022: 230.000,00€

2023: 170.000,00€.

Augas de Galicia aboará o gasto para a asistencia técnica nas actuacións de emerxencia, ata un importe máximo de 18.000,00 €; o gasto para a execución de actuacións de emerxencia para abastecer con garantía sanitaria ata a execución dunha solución definitiva, ata un importe máximo de 322.000,00 €; e o gasto para a elaboración do proxecto da solución definitiva, ata un importe máximo de 60.000,00 €.

Por acordo do Consello da Xunta do 18 de outubro do 2021, aprobouse o proxecto de Lei de orzamentos xerais da Comunidade Autónoma de Galicia para o ano 2022. Para os efectos da tramitación do expediente de gasto, resulta de aplicación o establecido na Orde do 11 de febreiro de 1998, pola que se regula a tramitación anticipada de expedientes de gasto, modificada polas Ordes do 27 de novembro de 2000 e do 25 de outubro de 2001; quedando condicionado á existencia de crédito adecuado e suficiente nos orzamentos da Comunidade Autónoma para o ano 2022.

Para a tramitación deste convenio, tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público.

Santiago de Compostela

A directora de Augas de Galicia

Teresa María Gutiérrez López

(documento asinado dixitalmente)

